

1. BiH i NATO - NA PUTU KOLEKTIVNE SIGURNOSTI

Jedan od mehanizama saradnje BiH sa NATO-om je Proces planiranja i revizije (PARP) koji traje od 2007. godine i trenutno je u toku sedmici ciklus. U toku su aktivnosti na ispunjavanju 32 partnerska cilja koji su usmjereni ka jačanju odbrambene i sigurnosne sposobnosti OS BiH, te povećanju stepena interoperabilnosti sa snagama NATO-a.

Kada je u pitanju aktivacija Akcionog plana za članstvo u NATO-u (MAP), koji je BiH uslovno dodijeljen 2010. godine, MO i OS BiH su, u skladu sa objektivnim mogućnostima, dali maksimum na ispunjenju datog uslova.

2. Civilno-vojna saradnja - VOJSKA U SLUŽBI GRAĐANA

Važnu ulogu na unutrašnjem planu u BiH imaju Oružane snage BiH kroz saradnju sa civilnim strukturama zemlje, a koja se posebno ogleda u angažmanu OS BiH u pomoći stanovništvu prilikom prirodnih i drugih nesreća. Resursi OS BiH, u skladu sa potrebama civilnih struktura, redovno se angažiraju za vrijeme poplava, požara, snježnih nepogoda, sanacije klizišta, izgradnje putne komunikacije, medicinske evakuacije, potraga za nestalim licima, kao i u organizaciji raznih kulturnih, sportskih, vjerskih i drugih manifestacija. OS BiH kontinuirano potvrđuju spremnost i apredijeljenost da služe građanima BiH.

3. Učešće u mirovnim misijama - DOPRINOS IZGRADNJI MIRA U SVIJETU

Oružane snage BiH, u skladu sa odlukama Predsjedništva BiH, učestvuju u mirovnim operacijama u Afganistanu, koja je NATO vođena operacija, UN operacijama u Maliju i Kangu i misiji Evropske unije u Centralnojafričkoj Republici. Time Oružane snage predstavljaju dio koalicionih snaga koje rade na osiguravanju trajnog mira u svijetu, što je pozitivno prepoznato od naših partnera u NATO-u i EU, a Bosna i Hercegovina prepoznata kao zemlja koja učestvuje u osiguravanju mira.

4. Protivmiske akcije u OS BiH

HUMANITARNO DEMINIRANJE ZA SIGURNIJU BUDUĆNOST

Oružane snage BiH svoje aktivnosti iz oblasti humanitarnog deminiranja i protivmiskih akcija provode u skladu sa odobrenom Strategijom deminiranja u BiH, s ciljem da naša država bude očišćen od mina. Doprinos OS BiH u akcijama deminiranja BiH raste iz godine u godinu, tako da Oružane snage BiH u cjelokupnom procesu deminiranja u BiH učestvuju sa više od 20%.

5. Rješavanje viškova naoružanja, municije i minsko-eksplozivnih sredstava (NMIMES) - GARANCIJA IZGRADNJE SIGURNOG OKRUŽENJA

Odlukom Predsjedništva BiH odobreni načini rješavanja NMIMES-a su: uništavanje, prodaja i donacija.

Ministarstvo odbrane i Oružane snage BiH do sada su procesima uništavanja i donacije riješile znatne količine viškova. Uz pomoć partnera iz međunarodne zajednice, poseban uspjeh je postignut realizacijom projekata SECUP, EXPLODE, EXPLODE+, EU STAR, SAFE-UP, THE HALOTRUST.

Ovim aktivnostima doprinosimo većoj sigurnosti naših pripadnika i stanovnika, ali se također dokazuje moć kao kredibilan partner međunarodnoj zajednici.

6. Podmlađivanje kadra OS BiH OKRENUTI IZAZOVIMA BUDUĆNOSTI

Proces podmlađivanja kontinuirano teče od 2008. godine. Do kraja tekuće godine ćemo zanoviti sve kategorije profesionalnih vojnih lica (PVL). Kroz proces odabira i prijema XX i XXI generacije u toku je proces znavljanja vojničkog kadra. Intemim oglasom će se kroz III klasu zanoviti i podoficirski kadar. U poređosa ovim, a u saradnji sa Ambasdom UK u BiH i Štabom NATO-a u Sarajevu, nastavljena je realizacija projekta prijema mladih oficira iz civilstva, započeto 2012. godine. Obuku je završila V klasa koja će biti primljena do kraja godine u OS BiH, a u toku je proces odabira oficira za VI klasu, koji će krajem 2019. godine biti primljeni u sistem. Oficirski kadar znavlja mo i kroz proces školovanja naših kadrova na inostranim vojnim akademijama.

7. Rodna ravnopravnost u Oružanim snagama BiH IŽENE U ISTOM STROJU

Od ukupnog broja pripadnika Oružanih snaga BiH, žene su zastupljene oko 7%. Ministarstvo odbrane vodi računa o rodnoj ravnopravnosti unutar svojih jedinica o čemu svjedoči činjenica da u svojim jedinicama, do nivoa bataljona, postoje kontakt osobe za rodna pitanja. Zanimanje žena za pristupanje OS BiH je u kontinuiranom porastu, a kao rezultat podizanja svijesti o rodnoj ravnopravnosti u planu je da do 2020. godine imamo 10% žena, pripadnica OS BiH.

